

## **Kalaallit Nunaanni ataatsimut sillimmasiissutit pillugit nalunaarut**

Kalaallit Nunaanni sulisilluni ajoqusernerit isumannaarnissaat pillugu inatsimmi nr. 1528, 21. december 2010-meersumi § 68, imm. 4 aamma § 69 naapertorlugit aalajangersarneqarpoq:

### *Ataatsimut sillimmasiisarnerup ingerlanneqarnera*

§ 1. Ataatsimut sillimmasiisarnerup ingerlanneqarneranut Arbejdsskadestyrelsi akisussaavoq, matumani ilanngullugit ilaasortanngortarneq ilaasortaajunnaartarneq, akiliummik akileqqusinerit, ullormusiat pillugit sulianik suliarinninnerit aalajangiisarnerillu aamma sulisilluni ajunaarnernut inuussutissarsiummiillu nappaataalersartunut taarsiissuteqartarneq.

### *Ataatsimut sillimmasiissutitut ilaasortat*

§ 2. Kinaluunniit nammineq akilikkaminik allanilluunniit peqateqarluni aalisarnermik, piniarnermik assigiisaanillu kiisalu savaateqarnermik inuussutissarsiutigalugu ingerlatsisoq ataatsimut sillimmasiissutitut ilaasortanngornikkut imminut sulisuminullu sillimmasersinnaavoq, tak. inatsimmi § 52, imm. 4, § 54 aamma § 67. Tamanna atuuppoq angallatinik ingerlatsisumut namminerlu angallami suliaqartartumut, angallat sunngiffimmi angalaarnerinnarmut atorneqartanngippat.

*Imm. 2.* Inuit ingerlatseqatigiffiilluunniit inuussutissarsiutit taaneqartut ingerlannissaannut Namminersorlutik Oqartussanit akuerisat ilaasortanngorsinnaapput. Angallatinik 15 meterinik takinernilluunniit piginnittut ataatsimut sillimmasiissutitut ilaasortaasinnaangillat.

*Imm. 3.* Ataatsimut sillimmasiissutitut inuussutissarsiummi saniatigut suliallit sillimmasiissutitut aamma ilaapput.

### *Ataatsimut sillimmasiissutitut ilaasortanngorneq*

§ 3. Ataatsimut sillimmasiissutitut ilaasortanngortoqassaaq [www.gruppeforsikring.gl-imi](http://www.gruppeforsikring.gl-imi) immersugassamik immersuinikkut imaluunniit immersukkap Center for Arbejdsskaderimut Nuumiittumut nassiussinikkut. Ukiumut siullermut akiliut akileqqaajutiginaq ilaasortanngorneq atorsinnaassuseqanngilaq.

*Imm. 2.* Suliffeqarfik kisimilluni peqateqarluniluunniit ingerlatsisoqarnerisooq qinnuteqaateqartup paasissutissiissutigissavaa. Sulisut, ilanngullugit ilaqqut sulisorineqartut amerlassusiat aamma sapaatip akunneranut nalunaaquttap akunneri agguaqatigiissillugu suliffiusartut paasissutissiissutigineqassapput.

*Imm. 3.* Ilaasortaaneq pillugu § 2-mi piunasaqaatit qinnuteqaateqartup naammassinngippagit ullup ilaasortanngorfiusup kingusinnerpaamik sapaatit akunneri marluk qaangiunneranni tamanna pillugu Arbejdsskadestyrelsi qinnuteqaateqartoq nalunaarfigissavaa. Tamatumunnga

peqatigitillugu qinnuteqaateqartup sulisuni sillimmasiisarfirmut AES-imullu ilaasortanngornikkut sillimaasissagai qinnuteqaateqartumut paasissutissiissutigineqassaaq.

*Imm. 4.* Ulloq ilaasortanngorfik aallarnerfigalugu ataatsimut sillimmasiissutinut ilaasortaaneq ukiumi ataatsimi atuutissaaq, akiliut akilerneqarnerseq ilaasortaanequmullu piumasagaatit qinnuteqaateqartup naammassinerai apeqqutaatillugit.

#### *Akiliummik akileeqqusineq*

**§ 4.** Ilaasortanngornerup nalunaarutiginerani ukiumut siullermut akiliut akilerneqassaaq, tak. § 3.

*Imm. 2.* Sillimmasiiffiup naanissaa kingusinnerpaamik qaammammik ataatsimik sioqqullugu ukiup tullianut akiliummik Arbejdsskadestyrelsi akileeqqusissaaq, tak. § 3, imm.4. Akileeqqusissummi sillimmasiiffiup naaffissaa ilimasaarutigineqassaaq. Sillimmasiiffiup naanginnerani akiliut akilerneqassaaq.

*Imm. 3.* Akiliut piffissaq eqqorlugu akilerneqangippat, tak. imm. 2, akiliinissamik piumasagaat Arbejdsskadestyrelsip nassitutissavaa ataatsimut sillimmasiissutinut ilaasortaaneq akilerneqangippat ilaasortaajunnaarnissaaq aamma ilaasortap sillimmaserneranut kingunissat sulisunullu tunngatillugu sillimmasiisussaatitaaneq paasissutissiissutigiitigalugu.

*Imm. 4.* Akileeqqusissutip nassutereerneranit kingusinnerpaamik sapaatit akunneri pingasut qaangiunneranni akiliut akilerneqangippat ulloq nalunaaruteqarfik aallarnerfigalugu ataatsimut sillimmasiisummut ilaasortaajunnaarneq Arbejdsskadestyrelsip nalunaarutigissavaa.

#### *Akiliut aamma naalagaaffiup tapiissutai*

**§ 5.** Inatsimmi § 68, imm. 1 naapertorlugu naalagaaffiup tapiissutaasa ilanngaatiginnginneranni ukiumut akiliut sulisoqarnermut ministerip annertussusiligaa 3.000 kr.-iuvoq, tak. § 68, imm. 3 aamma 4, aamma ilanngaaseereernikkut 1.800 kr.-iulluni. Ilaasortamut namminermut aamma suliffeqarfimmi sulisunut tamanut akiliut naatsorsorneqassaaq, taamaattorli aapparisaq suleqataasooq ilanngunneqangilaq.

**§ 6.** Ataatsimut sillimmasiissutinut akiliutip appartinnissaanut naalagaaffik tapiissuteqartarpoq, tak. inatsimmi § 68, imm. 3 aamma 4.

*Imm. 2.* Suliffik inummit ataatsimit ingerlanneqartoq pillugu sillimmasiisummut akiliut kisimi tapiiffigineqartarpoq, inummut namminermut sillimmasiisummut aamma suliffimmi ikiortimut sillimmasiisummut.

*Imm. 3.* Tapiissutit tunniunneqassapput akiliutip annertussusianik tapiissutit 2/5-annik ilanngaanikkut akiliut akileqquneqqassappat.

#### *Sulisilluni ajunaarnernut akiliutit*

**§ 7.** Tak. inatsimmi § 10, sulisilluni ajunaarnerit inuussutissarsiummillu nappaataalersartut ilaasortanut taakkualu aappaannut suleqataasunut sulisunullu kinguneri pillugit ullormusiat,

ajunngitsorsiassat taarsiissutillu ataatsimut sillimmasiissutinit matussuserneqassapput. Toqusoqartillugu aappaasumut inooqataasumulluunniit aamma qitornanut qimataasunut taarsiissuteqartoqassaaq, tak. inatsimmi §§ 24 – 27.

*Imm. 2.* Ullormi ilaasortanngorfimmi taannalu aallarnerfigalugu sulisilluni ajunaarnerit kinguneri pillugit ullormusiat, ajunngitsorsiassat taarsiissutillu akilernissaannut sillimmasiissutit piginnaatitsipput, taamaattorli ulloq ilaasortanngorfik sioqqullugu sillimmasiissutillu naanissaat tikillugu ajunaarnerit pinnagit.

*Imm. 3.* Ullormi ilaasortanngorfimmi kingusinnerusukkulluunniit inuussutissarsiummit nappaataalersut pissutigalugit ilaasortamut sunniutit pillugit ullormusiat, ajunngitsorsiassat taarsiissutillu akilernissaannut sillimmasiissutit piginnaatitsipput, taamaattorli ulloq ilaasortanngorfik sioqqullugu sillimmasiissutillu naanissaat tikillugu sunniutit pinnagit. Aamma tamanna atuuppoq sillimmasiinerup naanerata kingorna nappaatip sunniutai aatsaat malunniukkualuarpataluunniit.

*Imm. 4.* Siusinnerusukkut malittarisassat malillugit ilaasortap ataatsimut sillimmasiissutinit sillimmaserneqarnerata nalaani sunniutit pineqartut ajoqutaalernerat sillimmasikkatut naatsorsuutigineqassapput.

*Imm. 5.* Ataatsimut sillimmasiissutinit ilaasortanngorneq sioqqullugu imaluunniit ilaasortaajunnaareernermi ilaatigullu ilaasortaannermi sunnerneqaataasartut imm. 4-mi taaneqartut saniatigut allanik pissuteqarsorisat ilaasortaannermi ilaasortaannginermilu pissutsit najoqqutaralugit taarsiissutissat naatsorsorneqassapput.

**§ 8.** Sulisitsisoq sillimmasiissussaataitaasoq ataatsimut sillimmasiissutinit ilaasortanngorpat ullormusiat taarsiissutillu ataatsimut sillimmasiissutinit akisussaaffigineqassapput, ilaasortanngornermi ataatsimut sillimmasiissutit eqqunngitsunik tunngaveqaraluarpataluunniit, sulisitsisup ilaasortanngorsinnaatitaanera imaluunniit sulisut amerlassusiat piffissallu taakkua suliffigisartagaat ilanngullugit eqqarsaatigalugit.

#### *Ilaasortap nammineq ilaasortaajunnaarnera*

**§ 9.** Ilaasortaaneq ilaasortamit namminermit atorunnaarsinneqarsinnaavoq sillimmasiiffiup naanissaani ilaasortaajunnaarnissaq qammammik ataatsimik sioqqutsisumik nalunaarutigalugu, tak. § 3, imm. 4.

*Imm. 2.* Ilaasortaq sulisoqarpat, aappaasoq ilaqtutalluunniit ilanngullugit eqqarsaatigalugit, ilaasortaajunnaarnermut atatillugu Arbejdsskade styrelsen ilaasortaq ilitersussavaa, sulisilluni ajoqusersinnaarnerit sillimmasiisarfirmut sillimmaserneqassasut sulisullu Arbejdsmarkedets Erhvervsyngdomssikringimut ilaasortanngortinneqassasut.

*Ataatsimut sillimmasiisarfiup ilaasortaajunnaarsitsinera*

**§ 10.** Ilaasortaq ilaasortaanissamut § 2-mi piumasaqaatinik naamassinninngitsaq Arbejdsskadestyrelsen ilaasortaajunnaarsissinnaavaa. Ilaasortaajunnaarsitsineq qaammatip tulliata naanissaanit sunniuteqartinneqalissaaq.

*Imm. 2.* Ilaasortaq sulisoqarpat, aappaasoq ilaquuttalluunniit ilanngullugit eqqarsaatigalugit, ilaasortaajunnaarnermut atatillugu Arbejdsskadestyrelsen ilaasortaq ilitersussavaa, sulisilluni ajoqusersinnaanerit sillimmasiisarfiup sillimmaserneqassasut sulisullu Arbejdsmarkedets Erhvervssygdomssikringimut ilaasortanngortinneqassasut.

*Imm. 3.* Eqqunngitsunik paasissutissiineq imaluunniit paasissutissiinngitsoorneq aamma paasissutissat eqqunngitsut paasissutissiinnginnerilluunniit ilaasortanngornermut pingaaruteqarnerat ilisimagaluarlugu ilaasortaalersimasup ullormusiat taarsiissutisiallu utertillugit akilissagai Arbejdsskadestyrelsen piumasarisinnaavaa.

**§ 11.** Ilaasortaq akileeqquneqaluarluni eqqaasinneqaraluarlunilu ukiup tullianut akiliummik akiliinngitsaq aammattaaq Arbejdsskadestyrelsen ilaasortaajunnaarsissinnaavaa., tak. § 4.

*Imm. 2.* Ilaasortaq sulisoqarpat, aappaasoq ilaquuttalluunniit ilanngullugit eqqarsaatigalugit, sulisitsisullu sulisilluni ajoqusersinnaanerit sillimmasiisarfiup sillimmasersimanagerat sulisullu Arbejdsmarkedets Erhvervssygdomssikringimut ilaasortanngorsimanagerat uppersannngippagu, sillimasiissutit akilerneqanngitsut pillammik akiliisitsissutiginnissaat siunertaralugu ilaasortaajunnaarsitsinermik allakkap assilinerat Arbejdsskadestyrelsen politinut nassiutissavaa.

*Atuutilerfia*

**§ 12.** Nalunaarut manna 1. januar 2011-mi atuutilerpoq.

*Imm. 2.* Kalaallit Nunaanni ataatsimut sillimmasiisarneq pillugu nalunaarut nr. 762, 28. august 2001-imeersoq atorunnaarsinneqarpoq.

*Arbejdsskadestyrelsen, ulloq 21. december 2010.*

ANNE LIND MADSEN

/ Tor Even Münter